

公館

護國寺志異詩

共 1 册 存 / 册 排架号 06694

復國寺紀異詩

陳暹春輯刊



公館

護國寺志異詩序

道光八年春余受篆平陽問俗觀風以振興文教爲
急務進紳士而謀之僉稱永嘉陳君鏡帆有文成會
之舉極爲嘉惠士林平邑自犢山周公建其議霽庵
楊公開其端至於今蓋二十餘年矣而卒無成功余
迺從張易齋處索得文成會紀事一本見陳君鏡帆
於此舉極費三年苦心因以陳君鏡帆爲諸紳士諄
諄勸勉不數月集錢十五萬緡事之有關於文教者


可以百廢具興聞風而慕義趨事而恐後其事蓋非
偶然也今年卸篆赴郡陳君鏡帆過訪以郵籤唱和
詩及東甌文存見遺並以護國寺志異詩一卷囑爲
之序其註云寺門外掘得二石俱鐫佛像旁註一萬
人同造後五百年有福慧者重興十五字此寺建於
紹興二年以其時考之則可矣何其異也陳君作詩
紀之諸文人抽秘騁妍各盡其長可謂極一時之盛
此石出而募化者益勤或者福慧爲今日之住持也
此詩出而布施者益衆又安知陳君非前生之福慧
也耶天下事有廢必有興然不得其人則不興有其
人而未至乎其時則亦不能遽興豈獨一寺也哉
道光九年中秋前五日皖江查炳華頓首拜序

護國寺全圖



館





寺杜義學毛所自來結興于冬冷
 掖閣于家兼 朝固出貝子祠寺
 肯顯率條中率慈等毛萱竹率禿
 佛丰言其寺也又多率尔鑿勿香
 乳泉香窟尔明珠塔丹光荆夫老
 局云殿香林李湖小雁筒匪奇筒
 高近寺變繁非少邦舊表所云也
 山 禪 丰 如 妙 書 拜 云 也





右方石一鐫文佛像四石筊二鐫武佛像四按珠林
法苑佛有三尸賢劫一曰燃燈二曰般若密多三曰
巨留孫其四曰賢劫為釋迦文佛再滇南省麗江府
誌境內有寶山解脫嶺太子關山頂銅殿三楹辟支
塢一條釋迦文佛葬所榜曰雷音寺今中土釋氏宗
為佛祖又雲南通誌天竺古名身毒廣三萬里後分
為五印度國東曰多寶天王西曰廣漠天王南曰帝
閻天王北曰托塢天王中印度為阿育王所治其國



湮沒所存四印度屬今前後藏據此則文佛像當即
賢劫四尊武佛像當即四天王也附識俟考

遇春祖塋距城西五里許護國寺旁歲戊子脩葺

諸墓往來寺中一日寺僧告余去年山門外佛
光如火人見而異之掘地得方石一下埋石筴
二俱鐫佛相旁註一萬人同造後五百年有福
慧者重興十五字足見興廢有定稽此寺係紹
興二年建以其時則可矣福慧者不知何人
或屬寓言亦未可知爰志以詩

無端光焰起蒼厓五百年前事已排勒石分明苔不

蝕未知當日為誰埋

盛衰遞嬗數禪闕香火因緣詎等閒誰是如來今再
世黃金布地笑開顏

孫同元 雨人仁和人

天地儲至寶應運必顯揚其理可徵信其語非荒唐
甌城多古刹民藉祈休祥此寺名護國雄峙西南坊
創建紹興初歷年已久長陳君有墓地相依近寺旁
為余談異事示余詩兩章前因脩祖墓尋幽憩禪房

僧言歲丁亥佛忽現寶光照耀山門外如火騰煌煌
緇流走相告行人咸爭望掘地未及泉方石鋪中央
下列石琰二未識何年藏其上鐫梵相形像殊端莊
旁註十五字點畫精且詳一萬人同造五百年後彰
應有福慧者重興資匡襄時符寶自出非君誰能當
力任大檀越醵金徧十方有基期弗壞廟貌復軒昂
落成親琴奠佛必享馨香福慧自永錫豈惟五世昌

徐熊飛 雪廬吳興人

金仙法界神靈守夜半空山龍象走紅光出地棲鳥
鳴驚起蒲牢作雷吼山僧掘地深及泉紅羊殘劫五
百年一雙杯琰古苔碧寶書梵像貞珉鐫陰林漠漠
濃嵐濕荒殿斜易飛怖鴿江山半壁幻滄桑猶有殘
碑記僧臘花宮興廢良有因晴霞深護幽巖春大書
深刻合冥數鼎新應待非常人何時地湧空王座鐵
鳳金椎壓山破潮來海色上平巒十萬長松風雨過

沈銘彝竹岑嘉興人

為陵為谷過雲烟孰與書碑孰與鐫古刹廢興今視
昔貞珉顯晦後如前人留慧業三千界佛待良緣五
百年自有姓名符福慧松臺勝果永流傳

又五古一章

昔聞杜征南刊石必二通一立高山上置深淵中
預計變陵谷神物終相逢厥後顏少師細筋秋鷹同
兩賢非好名傳世欽高風此誠三不朽造物敢磨礪
獨怪空王氏色相本皆空胡亦留此石欲證西法隆

我聞初造字大聲振羣聾天雨鬼又哭洩此竒秘蹤
其中有至理不使塵垢蒙即或淪重泉一朝面蒼穹
歷劫光不壞波磔仍態態不見佳城鬱石室徵滕公
不見大討曹白馬現青龍舊碑出新土蒼聖神靈通
斯石誠小道意亦頗明聰釋迦無異字究仗吾儒功
願將此二石分峙門西東安知無踵起布地金重重
打碑貽好事或趁斜陽紅

魏謙升 滋白錢唐人

興廢皆前定招提五百年未須千謁說已結萬人緣
貞石文堪讀單林夢早圓謂寺僧感夢金錢施福慧梵相
湧青蓮

竒迹同湖寺然燈佛降生西湖昭慶寺昔曾掘地得碑有此古然燈佛降生之地九字今立况茲菩薩像一一示分明彈指華嚴界
戒壇壁後
回頭舍衛城東甌多善信雲構好經營

錢廷薰 秋峴仁和人

蓮花寶相現光明古石斑斕出化城衆力護持皆佛

力此生福慧自前生天開白馬金人夢地闢青鴛玉
女成不是闍黎宏大願那能菩薩感精誠

俞恭人 少卿錢唐人

東甌城下水淪連一葦慈航五百年經榻有緣栖佛
夢梵書幾字付人天苔斑蝸篆留遺教檀越鳩工望
後賢比似然燈降生處古碑莫任草芊眠

西湖昭慶寺掘地得
碑亦同
此異

蔣浩 花隱嘉興人

永嘉東海上巖壑萃精靈古碑埋奧壤光氣燭山陵
山僧闢幽邃玉砥引金繩土花繡佛像紗諦參上乘
寺建南宋日人宜福慧徵沈淪五百載道光溯紹興
久從坤基秘乃覓津登神叱圓相合心開妙香凝
昔人頗妙事最後啟予局區區數出石一萬人心憑
誰是應運生乃得福慧稱惟君廣傳布願力大於僧
有福乃有慧非慧文不能作詩闡大道藻揆長明鑑
後有好事者又為語錄增升沈任天運恬徹通幽冥

我本好集古窮搜廢塚銘請搨硬黃本海上寄仙形
金蓮花萬朶頰寶海心騰恐為蛟龍阻火速驅雷霆
將詩並勒石竊附魚山經後更五百載文丹字亦青
始知象教力能令塵夢醒吟罷憶台蕩山靈聚雪廳

張

駿

荔園海寧人

天目山勢趨甌江十八洞天踰枯蒼千崑競秀郡西
旁護國寺踞山中央南宋建後幾滄桑棟崩棟折今
荒涼地運轉移憑梵王篤生住衲連眉長布金買址

羞橐囊飛錫募緣疲津梁數米而炊時絕糧寸累銖
積祈開堂闢然耒地騰夜光四面鏤佛珉一方銘云
福慧者克昌五百歲脩選佛場住衲見之眉飛揚一
點誠心達帝鄉募像流傳求表章庶幾紺宇增輝煌
我聞大雄庇無疆閩海安瀾來梯航屢豐年頌千斯
倉今科榜首名遠颺護國一一呈禎祥冷翠閣在亦
流芳相映此刹尤軒昂我生未遊五馬坊愧無玉帶
鎮禪房作詩呈佛當拈香

吳應和榕園海鹽人

在昔瓦棺寺長康畫佛像闇然丈室中光焰吐萬丈
四方來觀者捐金百萬兩廢寺一朝興寶炬同供養
茲聞東甌城福地最蕭爽南渡香火院歲久委榛莽
頽垣斷砌間火氣忽騰上渾疑棟宇焦燎原不可嚮
掘得二石碑深不讓土壤洗出菩薩面相映如月晃
始知象教力神通大而廣驚倒百歲翁異事傳吾黨
流布陳君詩如揭通衢榜因之鹿苑新費不藉官帑

岩巒耀金碧攬勝動遐想有待福慧人數定無勉強
請視茲刻文其誰曰誣罔君本才德全夙爲士林仰
里中葺書院文風開獎賞所至脩學宮學師稱職掌
餘興庇禪林篇詠足憑仗顧畫與陳詩其意相髣仿
我欲游永嘉願借屐一緉追和謝公詩逍遙出塵坱

端木國瑚霍田青田人

我昔觀大象天地咸至尊儒佛在天地有無同一根
吾儒天布精我佛地歸魂有無天地後金石待人言

說言金兌毀成言石艮敦兩言咸卦畫思慮何翻翻
我居雲上久易堂薤朝昏爲石乾一畫其文中在坤
筮之坎重象教事出天龜姬氏文在茲吾道登朝瞰
戊子五月一日於雲上易堂得文石玄色具四靈松
檜芝草等形彫刻出天然其石堅不受鑿大不半尺
而具山岳之姿即以佛氏說無相不受恆河渾何時
其日筮之得坎卦石火見竒事驚山門萬人碑筮發千人香火奔福慧
證五百世界爲風幡佛無堅牢義又何文字煩恆星
夜如雨石滿祇陀園謂此事恍惚吾石窺混元余名
之大

霍洞天石
即混元峯可知微塵數教以莊嚴論誰持有無諦探
之崑崙源蜃江共枯嶺邂逅違高軒何當雨花夕一
戴山中罇

方成珪 雪齋瑞安人

夜半深山發光燄非火非月亦非電千魔百怪爭遁
逃坎地丈餘佛像見十五字中寓真旨五百歲後得
瑞驗要俟福慧兩足尊重新莊嚴八寶殿憶昔白馬
南渡初此寺本爲護國建維持四部佛有靈更易數

朝力豈勸由來定數不可挽盛衰興廢每遞嬗當時
空王已先覺留此異蹟爲左券君不見文殊聖像來
武昌不爲胡奴賜方便香河鐵像貫以鎖一夕飛去
了無戀茲像居然應時出定與邦人結深眷有能捨
金開淨土俾汝乘船慰大願福慧相期非妄言請看
如來舌覆面

林鴻翔 靜園侯官人

香火何年結淨緣靖康南渡久遷延千秋寶刹關興
廢一點靈光護偈禪玉帶喜看今日鎮冬青休感昔
人傳苦心了了無遮會金像重教擁法蓮

陳 瀚

閩縣人

歷劫名山五百年拈花一笑示諸天冬青早動浮圖
感貝葉仍留香火緣佛果有靈生再世人教半偈出
重泉當時碑碣今脩葺古刹依然護大千

劉東藩 心葭平湖人

永嘉山色護叢林花外疎鐘振遠音寺歷三朝僧亦

古樹經千載，晝長陰冰霜半蝕。碑頭字風雨全銷，佛面金惟願十方同解索。依然紺宇入雲深。上清蝌蚪幾時刊，十丈貞珉。巖窟蟠氣湧深宵，千佛現光騰法炬。萬人看荒烟蔓草，薶藏久土暈苔花洗。剔難靈物自來終發洩，敢云饒舌是豐干。

陸

銘春林平湖人

永護東甌國，精藍結構嚴。雄城當斗口，福地接僊宮。香火傳炎宋，風雷啟石函。興衰憑佛力，碑碣幾時剗。

李遇孫

金瀾秀水人

空濛花雨久銷沉，埋石重教迹可尋。五百年生大福慧，十千人造古叢林。團團佛頂光常滿，鬱鬱佳城蔭更深。莫把前緣輕錯過，急須努力證苦心。

顧

訥芝田平陽人

空王宅裏鐘聲歇，空王宅畔林陰鬱。萬丈祥光夜半騰，奇事相傳驚咄咄。由來靈蹟不終湮，山僧坎地獲碑碣。苔痕土暈深復深，古色蒼涼勤拭拂。忽然湧現

青蓮花莊嚴法相呈諸佛旁鐫數字冥數存點畫完好無滅沒好如銅狄細摩挲等是五百年來物滄桑閱盡劫灰殘梵書寶像為誰出重新法界此其時閣黎有願非虛發陰崖深護寺門春會看荒殿成華闕

李士京仙苑樂清人

憶昔紹興初護國蔚宮殿彈指五百年陵谷幾遷變黃土深以藏白石堅如鍊肉眼何紛紛那識真如面一夕發異光山門耀如電分明卍字留髣髴土花冒

衆土倘無緣瞿曇肯輕現乃知兩足尊清修早自擅後來福慧身曠世有深眷勿惜佈地金俄頃祇園徧大會闡無遮十方同歡忭

任一桂叢山永嘉人

古來神物難湮沒不遇其人不肯出異哉護國寺門前誰為空王埋石骨無端光焰現土中掘地不見佛火紅但見一石鐫佛像四面摹刻兼磨礮下有石牌旁註字五百年前暗留誌不知福慧屬何人鏡帆先

生似好事為僧欲結萬人緣
倡首徵詩廣播傳遂使
靈通著大地不致淪汨入重泉
吁嗟乎風霜剝蝕年
已久此石何以能不朽
幾度埋形歷劫來一朝現相
事非偶石不能言可代言
重興人自有根源莫怪豐
干多饒舌好將此石鎮山門

董 旂 霞樵泰順人

野色幕空夜氣靜
荒殿無聲禪燈暝
世上衆生伸足
眠地下老佛掉頭醒
玉毫端放大圓光
金繩界若朝

曦回山丁驚起觀且疑
攜鉏荷鋤羣力併掘破蓮華
十丈泥現出苔文三尺
珽低眉菩薩自跏趺
弩目金剛各精猛
瑞相莊嚴象火尊
寶剎分明波磔整
當年窳堵矗雲高
此日汙萊蒙露冷

方石文佛像兩旁有分書護國祝延聖壽

寶塔八字當是宋時塔基鎮石也

貝葉經無白馬馱雨花僧待黃鸝

請曾經浩劫越三朝
誰把神幾徵九鼎
萬事廢興皆有數
是法豈能視平等
五百歲已過其時
一万人宜

各有省曾聞杜休得舊銘
靈應重開阿練迴

雜記京兆人杜

子休掘地得石銘知是晉太康寺故址遂捨宅為靈應寺又聞段暉見金容光明亦闢招提境洛陽伽藍記段暉嘗見宅內有五色光捨宅為光明寺故事流傳遠可稽宅有檀施惠然肯尸那起塔十三層須達布地八十頃清磬六時聞松關天香五夜徹雲頂白社如容結淨緣預約相從泛煙艇

潘蓉鏡 仲芳海昌人

空王宅畔蒲牢吼光氣熊熊燭牛斗寶相莊嚴佛火紅千魔百怪皆驚走緇流掘地一文寬碑筴佛像蛟

龍蟠古苔暈碧露節角一十五字誰雕刻雨淋日炙埋藏久元局自有神靈守歷劫紅羊五百年一朝現相應非偶梵宮從此闢荆榛護國原須福慧人會看捨金開淨土好將此石證前因

葉覲儀 棟如六合人

佛法曰空佛教曰無獨留此石胡為乎咄哉十五字令我欲解心踟躕衆生生如恆河沙數不可計限以一萬毋乃拘貞元歷劫佛不壞重興乃云五百年後

年適符爲大智慧無量福善頌善禱辭可諛我欲持
此問佛佛不語但見千人萬人金帛輸金帛輸煥然
一新九級之浮屠老僧低首微笑猶跣趺

周學瀛仙舟永嘉人

乾坤剝復無終窮鬱久必伸理可通儒佛仙三教本
原一勿嗟釋氏談空空在昔典午世段暉宅改光明
寺更聞杜子休掘地得石銘尚留遙遙迄今千餘載
竒事又見傳東甌東甌城西有古刹建自宋代名護
國寺門深鑱竹光寒煙鬢遙映僧衣碧一日山僧語
陳君山門前夕火光升比隣糜至咸快覩荷鋤鋤地
聲丁丁得石一函長尺咫彫鐫佛像殊精能旁註一
万人同造後五百年有福慧者重興試問大生廣生
衆即此二字疇能承銘言具在非誕妄居士深思得
妙因天地亦入矣怪怪竒竒均可紀少聞多駭咕嗶
儒管窺蠡測笑拘墟徵詩一冊誌永久高士自與常
人殊會看琳宮紺宇騰金碧佛土莊嚴甲他邑先生

有功祇樹園皆大歡喜白佛言佛言窮通消息本如
是願持一棒喝當頭喚醒紅塵夢夢子

林鵬霄扶九閩清人

斷碣殘碑紀趙家梵王歷劫幾桑麻千年香火傳南
渡一脉靈山護永嘉興廢豈關沈白馬盛衰到底誤
青蛙莊嚴此日欣持偈膜拜爭聽舊法華

董鳳池

薇省麗水人

象教幽尋寓夙緣好凭夜火燭重泉石函珍護曾埋
宇銅狄摩挲共記年福慧有淚須應此輪迴定數想
當然昌黎愛釋非虛意一卷詩因志異傳

王尚忠

芝庭麗水人

桑田滄海幾銷沈遺蹟浮光掘地尋有石莊嚴鑄佛
像留書周帀記禪林十千人結因緣厚五百年餘歲
月深密傍佳城垂蔭遠聿彰好古濟時心

陳六經

拜庚永嘉人

凡事皆前定廢興豈偶然滄桑遞遷變兩大顛倒顛

顛顛復倒倒機軸任轉還此理誰能悟空王空中專
原建始日金相極雕鐫會當沈山谷埋沒萬金蓮
數過時則可火燄以燭天驚起山隣走去去問老禪
掘地出二石石上見真詮不受苔花蝕爰結万人緣
緣中定福慧待以五百年福慧果孰是妙諦殊難宣
所異十五字旁註元又元噫嘻滄桑遞興廢何況金
輪世界超大千

甌城張氏錄古齋刊

溫州府

